

楚遺民郭幼隗先生著

石村文集

峒巖藏板

石村文集目錄卷上

蔡江門傳

周石拙傳

馮根公傳

堵牧遊傳

何雲從傳

張峩山傳

傅九巘傳

張別山傳

李湘洲傳

石軫餘傳

謝石駮傳

張寰應傳

張殷生傳

李非文傳

周聖生傳

周伯孔傳

何聖徵傳

王玉祉傳

張和仲傳

譚近齋傳

廣信太守金銑傳

澹齋傳

義猴傳

浦石記

碧泉記

萬樓記

白雲巖記

初勿堂記

儉德堂記

孔顏樂處記

附詩

玉山天井院記

樞星門明倫堂碑記

學宮碑記

城隍廟碑記

關帝廟碑記

三忠合祠碑記

湘燐化碧碑記

普寧禪院碑記

武安禪院碑記

延化橋碑記

東嶽王將軍紀事

汪文定官爵辨疑

石村文集目錄卷上終



年五月賊陷武昌武昌士民戮溺盡獨撫臣某以衛卒千人免走長沙長沙益亂公益撫焉長沙益愛戀公不忍去又八月破岳州先是岳總戎孔提萬衆駐岳稱能帥迄岳亂孔遂揚帆奔騎嘯踏長郡長沙乃大亂長沙民卒乃依戀公不去而獨盼望先時遮蔽長沙者鎮臣護率列藩去列臣先後去公乃不欲苦斯民縱城令民去又縱諸左右胥吏去而獨絜故所飼總戎尹先民者提師布列躬自支持釜甑揮洒涕

淚日夜環城誓死守所貽岳戎孔公苦分不能制聽自駐師河上稱禦賊賊至孔無意辦敵舉衆走且降尹附城見孔師急潰乃大驚亂公乃大呼起督精騎出與賊遇傷殺不當復入壁翌日賊騎突北門公令穀強弩射殺之却十里止日午來又却頃賊大至尹卒大潰出環視左右援無一存者賊遂奪門垣闖入城中矣公度城且陷卽下馬北向拜曰願死見天子益斂容坐大呼叱賊衆寧殺我毋廝殺吾民賊驚問

誰心知守孤城而口呢呢百姓者必司李蔡公江門也立起敬公欲不殺公起怒罵賊叱縛公公益罵賊又禮釋公如此者三公益罵不絕口賊乃令新降將尹先民笑語乞公降公睨先民裂眦手刃指擬當死罪無算先民避賊衆數萬人咸股栗目公公殊無意賊數萬人又揚天朝名大辱賊賊知終不可屈乃磔公公就磔時賊以刃加頸侵公曰公忠臣肯一笑寢乎公乃揚睂清婉笑語如平生磔且死公猶吃吃作

恨聲賊詰恨爲誰曰恨不殺尹獨爛殺吾民是時賊環視左右皆暗流涕遠近聞之無老穉悲號悼痛至失聲遲五日乃馳公訃狀以聞于臺臺師事公久信忠義篤不敢勸公從衆走死又不敢以身從雖傳公懼逢公怒者嗟乎公死賊手在十六年八月二十六日小子臺知公死豈獨是日乎方公之淹黃鵠而返也獨拊膺歎曰輕而僂沓貪而冒沒不幸逢其人吾無死所矣其駕洞庭而南也又拊膺歎曰芴撓而中

牽左犄之右犄之吾無死所矣其經濟陽道攸水而來也又拊膺歎曰馬瘖矣旣絡之又輞車驅之吾無死所矣自是長沙興大獄者二起大師者三賴公以心計潛奪冥制事猶不大創迄荆事敗長郡梗姓爭自開導隙釁操挺刃而起公度力無以制乃取用武夫氣整刷境內故權叅尹以壓之其後衿氓懾公甚置尹之力也設公權用尹時諸大臣中有能總銳師南向提挈左右持節鉞坐制跳狼者公決如李元直

行事敬用此屬作李祐李忠義使必不敢反設諸弁中有能按甲百里內外聲援影響牽制者公決如李公芾灑血堅壁誓死與共竟持此曹如沈忠輩使必不敢降而皆不能使公計盡心竭左右道絕而繼以死悲夫公諱道憲號江門晉江人十七登賢書又三年成進士今年才二十八所歷天下事無不淹通者判事雖老吏猾頑無不心折者落筆成詩文奇字無不妙絕天下者詩成廢去偶示臺凡五十三篇盡梓



以行名詩存暇輒長嘯每臨風步月曼聲徐引或從  
齒出或自指生均中簫管聽者意足燕坐凝默指齒  
不形微芒有音不竝絲竹鳳鸞和鳴搖嫋星月臺每  
聞此仙耶夢耶再來人耶惜當世奇人韻士無緣邁  
見公公謂人無從辨此者此又一絕也公一子甫三  
齡貽母六十有伯仲二所育養乏絕弟姪至數十餘  
人自公歿不知舉家待以舉火者爲誰公嘗語臺有  
故人數輩皆古君子交所知葛公士年吳公元圭陳

公喬岳林公永瞻林公子野餘多不能記憶云記公  
以書遺歸故人曰賊破岳陽勢逼星沙盡吾心竭吾  
力事有可爲宗社之靈老母之福壯哉公言止此事  
止此故人信公矣今能彰大公事俾死不朽者同寅  
堵公牧遊周公石拙具衣棺成禮塋立祠永祀又厚  
賻經紀公家一時從公死者孝廉馮子根公馮子先  
生至交也生死與公合臺請告諸公拜疏特題配先  
生祠而祀之

周石拙先生傳

滇南石拙周公由壬午領長沙判三年累功晉長沙  
太守遷守兩月會王師追殄闖逆歷燕吳豫竄湖南  
爭死走平江瀏陽二邑中大肆掠不止長沙當二邑  
之衝以故長沙亂先是督師大臣慮長上流不宜無  
備蚤議總戎黃開鎮長沙兵餉措置急則呼應旦夕  
不資外調特屬周公監其軍至是周公乃投袂起曰  
參諸軍久不用使我監而利發蹤者非此日乎招堂

下氣勇數輩趨上馬去徑入白督師出則坐堂上不  
退食語會衆二千餘人炊訖就道明日抵瀏陽壁師  
壁三日偵賊官渡河口掠卽揮衆急擊賊小却追至  
夏擊之賊左右散又捕擊之自公行營五月二十七  
日至六月九日凡十餘日中間與賊遇十餘次所督  
戰亦畧相當越初十會同行明經吳愉者請曰賊衆  
矣就撫何若公立起瞋目斥曰若陷神京貽先帝憾  
乃放逐至此吾君父讐也義不共戴法不可赦有死

無二晨起督促諸軍前諸軍却不前公乃趣趨踔躍  
躡諸軍而前而麾諸軍尾其後賊亦殊死鬪盡力朝  
發倉卒與公遇公奮呼率所從十數騎接戰不支身  
被數十刺不力竭蹙呼馳後軍迤邐不前而公陣亾  
矣明日賊訶知郡守亾惶却甚卽收治掠者狼狽就  
督師乞降有令許之瀏陽賊降有間平江賊亦降賴  
公一死以謝先帝安長人公死無憾者公性嫉惡剔  
蠹太甚鄙俗士太妬下賢士君子太親暱好博訪遠

近人士通究書史暇輒與棋琴字畫流浪作緣當其  
理紛絲割糾劇吏胥雜陳文牘堆几嘗目送手流耳  
傾而口注瀉千言數紙如黃河東下殷勤故人書辭  
存問如爛苑春開勞數繕手不足給一批答劇文士  
苦思累日不足增一彫彩也一時人欽寶其神智云  
公諱二南字女爲別號石拙滇之蒙化人起家辛酉  
恩選太翁愛岑先生孝懿君子單傳及公公子一鼎  
軋甫一週隨壻庠生孫某陳某經紀扶櫬歸去年六

月公夢漢太守韓玄道服端東揖公如暱語公謁蔡  
江門先生祠每笑指木主示予曰此處可安我一座  
今竟改題其石爲周蔡二公忠烈祠而入公主于韓  
公之列公志已畢而事已成死誠無憾者題石入主  
爲誰大司馬何公雲從兵學憲堵公牧遊堵公與公  
舊同寅石交爲公誌銘云

馬根公先生傳

長沙馬子根公諱一第別字洲一晚號龍喜姓字傳  
天下久予何傳崇禎十有六年八月二十五日逆獻  
陷長沙越十一月二十八日長沙孝廉馬一第死之  
郭子金臺屬一第生平交無兩人振筆涕泗下爲馬  
子傳方城陷時凡不意計而來招附乞令者某某幾  
輩賊祥從乞都謝去獨下令私其僞守呂曰必爲我  
致馬子根公先是根公暱上湘約從酉陽乞師分內

外謀圖賊大有制呂遣役幣往亦失所從會有以馮子機事告呂者馳兩役徑詣馮子所馮子已急亾久之某仇者賂府役盛逮其老母七十兩兄一子大索馮子家馮子乃告絕上湘人曰吾寧敢愛一死貽屠戮母兄乎扁舟詣府經湘潭手一冊戒予曰一第今年正四十不幸遭亂余偕妻孥齋沐辦佛事兩朝爲自弔文告天爲易姓文告祖一第不能以祖姓供死賊口取辱先人老母付兩兄投文付予三拜泣且行

舟泊岳麓下其仇卽先持揭拔刃遮道搥馮子胸數仆地疾呼謀逆春元馮一第來大喧噪賊門賊疾起罵馮子曰誰教若反叱縛令斬一老僧救極哀免斬改令斷兩手耳剝鼻輝眼囚僕三人殺一人夏下令沒入其家馮子奮不顧家伸氣吐盡一夜死會上湘聞馮子死爭恐怖死趨引兵攻走上湘僞令何和衷歸白賊賊衆據湘潭與上湘兵角上湘兵失利有報師出醴陵大潰賊賊夜逃以是馮子家得免死馮子

死僵屍庭中賊環視人莫敢近予以其仇下石馮子  
時竝亟捕繫予予亦莫近者有友易子自義朱子襄  
治獨解自所衣覆翼根公具棺成禮哭乃去根公有  
子四人長洞次灑成諸生次湘定俱業儒女二未字  
兄二鵬鶚後根公數月死母謝鬱悒死根公甫冠丁  
卯以文奇魁楚踰年通經有十三經借課行世性工  
詩所著詩不一凡以年紀集名詩譜記若干卷爲古  
文詞尤多亦從紀年名文譜記若干卷自庚午至壬

午攻史倣公穀體著史發凡二十卷書成後卜易名  
賁書辛巳與予論古著代古詩同梓行世自此詩外  
爲詩文逸帙寄予尤多奇約畧馮子身不踰五尺年  
不踰四十所著成書至十餘種詩幾千篇文數百卷  
諸名人來其家至發秘流覽累日不絕人謂士大夫  
好讀書卽年至六七十恐無以過也予謂馮子使文  
不奇詩不工經史不致力名必不大傳賊亦不必大  
索忌者亦必不深中至死卽微忌者馮子發奮時事

便髮上語椎渾然馬革裹屍氣賊不死馮子亦不宥  
獨生死誠非馮子所重度其餘生禍乃有烈于死者  
汨羅香畔鸚鵡芳洲必將椎椎旦旦爭耀同光馮子  
森然長幽此愴淒烟腐艸之間矣

義興公小傳

公諱胤錫字仲緘號牧遊江南義興人崇禎丁丑進  
士由部郎權北新關故事關吏多負厚貲還獨公起  
寒士寧澹守職及歸敝衾空篋泊如也踰年擢守長  
沙嚴霜烈日人望而畏至比之孝肅長孺壬午奉計  
入覲詔復任會癸未八月逆獻陷長公以明年正月  
至卽恢長驕弁劣士賴公輯寧三月神京陷五月公  
始聞變卽膽張毗裂食不甘寢不暇寐者月餘是年



秋南京轉公武昌兵守尋遷湖廣督學公試士南上  
武昌又陷會督師何駐長沙公趨語何公曰不措餉  
能輯兵乎不招降能張楚乎自是公措置轉運資何  
公軍無算數而公遂倉卒招闖孽李高十部以自資  
丁亥長師又潰公率十部走辰沅溪崗間迄戊子公  
乘間用馬進忠軍恢常其冬又恢長會十部與進忠  
軍持短長進忠軍稍強又受何公節十部譁遂擁公  
西走明年己丑清兵乘勝西擊十部盡散去遺公數

騎百折入廣西潯州方圖詣行在大舉會廷論格議  
一切報罷公以是年十一月十九憂恚疾篤具遺表  
命冠帶加被謝君親訖自題小相十語卒公官長已  
刻詩有永矢集只可吟行師有馬革集春秋誤句五  
卷凡萬五千餘言尤奇其才力直攀提漢魏而上惜  
不傳今傳其畢命時遺表數詩耳性極孝丁丑獲雉  
重念少貧缺養奏服三年廬墓墓上枯桐再華蛛絲  
成孝字有桐華篇行世公初成進士自製賊頭一具

出入攜持爲飲器鐫其文曰若要賊滅除非堵截若要賊退除非堵住人傳而壯之子驥良先公三月卒後公死其將士具禮合葬公于潯又數年門人尹惟日官和平迎公柩返瘞茶陵惟日字冬如壬辰進士茶陵人

黎平公小傳

公諱騰蛟字雲從號

貴州黎平人由

舉人

累功擢御史監寧南侯左良玉兵駐武昌乙酉五月玉兵叛擁公而東公持不可玉奪之急公詞色竝厲玉怒投公于江叛舟東下而公浮流西上自辰迄午不沒賴漁艇救公起遂渡湖而南駐長沙奮呼號召有衆數十萬軍聲大振先是大清邏得公母子豢于營令公家奴持書招公降公集衆絕之曰吾死此耳

祝吾母勿兒爲念迄丁亥清兵南上諸師散走公率  
滇營胡一清西入粵戊子十一月復整師恢全永衡  
遂壁衡是時闖逆餘部自常至長大掠西寧兩湘之  
間人畜殺幾盡各邑爭得公至卵翼之公乃單騎免  
胄入湘潭視師諸部誦公下皆歛刃釋纍以百萬計  
明年己丑正月十九清帥鄭王大舉萬騎自嶽麓潛  
師至潭諸部聞變皆四走而公所部盡壁衡無當敵  
者以是騎生得公公方袍危冠大呼曰吾督師何某

也騎繫見王不屈王義之閉公一室令滿漢官先後  
重爵誅公降堅臥不食間取水嚙漱仍吐之凡五日  
值圖賴固山佟至輒下牀拜曰聞公在武昌善視吾  
母宜答拜非屈公也臥如故又數日拽至流水橋岸  
竟不屈死之相傳橋岸有樹蒼然覆一抔土者卽公  
纍屍月餘不變國人悲而合身首以瘞是其化碧也  
越乙巳春凡十七年其族子某白有司乞骸歸里卽  
其處拾全蛻出或曰公所瘞址居民多見靈異咸尸

祝之人不欲傳故不傳

華亭公小傳

公諱曠字于野號峩山江南華亭人崇禎丙子解元  
丁丑進士授沔陽州守沔濱湖地行豪猾藏奸犯科  
吏不敢至門公至鈞治盡殲之沔稅繁逋多苦吏自  
公條治課最當大擢會國變從撫軍何堵撐武漢間  
已而何駐師長沙知公負奇畧特題北院與傅上瑞  
稱南院監南北諸營上瑞弱不稱事卒以降死而公  
承命去長沙從湘陰壘土為營率所部士卒居之因

趙額曰帳下若干同苦士湖南第一大明城先是湖南諸鎮擁何公駐長不離一舍凡岳陽以下清馬飲洞庭無偵禦者自公駐下湘率滇營又下五十餘里扼險設長弩以伺諸鎮亦稍稍跡踞公馬足而前或遇清騎間出諸鎮卽怖走還視公營持伏屹立諸鎮又復安如是者二年何公卒賴公半壁無北顧憂丁亥清兵大至公從長沙乞師不得又以退守不如進戰與何論不協鬱鬱上衡州至永州復駐東安整擗

勁旅支半年迄丁亥八月十七以積勞憂恚不食數日歿湖南人士聞公歿皆掩泣謂何公失右臂也公形小而銳冰心霜面不畏強禦霑接遠近名流才吏卽飲醇披霧與同臥起公雖死未赴難而孤忠勁節論者咸比之宋張浚李綱凡經紀公死後者門人蒙正發字聖功官隆武給諫旋解組隱衡永間傳公嗣子某聖功矢偕隱今守塚衡中

平其望也夫昔烈令守澠而中

五尋望也官劉左銘常武執時烈謂

烈謂劉左銘常武執時烈謂

烈謂劉左銘常武執時烈謂

烈謂劉左銘常武執時烈謂

烈謂劉左銘常武執時烈謂

烈謂劉左銘常武執時烈謂

烈謂劉左銘常武執時烈謂

武陵公小傳

公諱作霖字九巖湖廣武陵人已卯舉人會甲申國

變泣語家人曰吾書生要不當愛一身死兒女子手

卽從何公監軍長沙風采言論燁然冠軍嘗酒次語

神京事卽流涕嗚咽至揮杯起舞欲狂乙酉奉何公

命入武崗視師武崗伯劉承胤稱扈從永曆號召數

萬衆難其監軍一人公至承胤虛左席事之疏請特

用累遷至大司馬是時湖南列鎮多悍卒聚譁如沸


賴武崗部受公駟輯稱有制丁亥清兵開南自長以  
上聞變皆反走獨武崗當一面數戰始北公知力不  
支始開壁密遣勁旅扈從出移時承胤率諸部背公  
降南院傅上瑞亦降公冠帶嚴坐本兵堂上示不屈  
騎繫公公且罵曳見定南孔王前率長揖留數日嘗  
青袍傲岸行馬前遇降兵將輒叱去承胤啣東命至  
詠公降夏大唾叱王知終不可屈卒殺之公有愛姬  
鄭被繫時姬乞公一訣不許公死有邏騎至繫姬行

姬詒之前乃自乘騎橋上跳墮激石水中死自大清  
受降以千萬計獨公持節與妾不俱生不可謂義裂  
者乎

李湘洲先生傳

李騰芳號湘洲生而靈穎多異方四歲就塾父竹軒翁屢夢一方冠者教之學遂大奇稍長與張繕部唐吏部事蔡甫齋受舉子業二公旣才力道上公尤頭角嶷嶷杰然冠一時嗣是邑侯查公督學金公爭奇之名益噪而公愈益刻苦摧陷刊陳落朽無下筆不驚人者廿四舉于鄉廿八成進士入秘閣等知制誥遇綸音有出其手者人爭傳誦之如白樸焉是時朝





原件短缺

石村文集  
廷務唯隨無事而公侈以禮曹談兵事頗見抵牾未  
幾有以黨議構顧天峻者公豁然曰不可使友道不  
較著也疏上不報卽挂冠還里酣肆經史墳典天文  
地理內典方技之學極劇心禿穎夏縉酬註凡千百  
卷盡硃藍墨累累如貫珠間常與竹軒翁語天下將  
有事舉朝但爭閒是非不爲國家計久遠異日或起  
蠟丸徵兵之變且奈何聞者猶河漢其言會遠左動  
天子思公遠見召遷少宗伯至太宗伯公條上至計

一疏夏上戚繼光兵法畧又上繼光全書優旨褒獎  
其言愷爽激宕若馬援之聚米隆中之繪圖留侯之  
借箸運籌無不坐而言起而可行者值神宗賓天光  
宗繼殂屬公以相擇山陵之命公躋攀精殫耑卜吉  
壤以獻卽慶陵也其後魏璫弄柄欲以楊璉黨議怵  
公不附致削奪夏中公以相陵事將移而上掘視皆  
石已而就公所點處果吉忌者始平魏璫敗乃起晉  
太子少保值京師戒嚴門晝掩諸司守者不怖卽懈

公獨孤檠危坐調置悍禦隱然一身如長城公度時  
可爲思裁國用以濟軍興奏除宗藩請名請封例費  
議貢道正文妖中外方望相司馬君實以竟其用迄  
壬申以病卒于京天子眷注贈太子太保恩蔭累世  
加祭五壇遣中書官扶襯歸葬別差行人官造塋亦  
異數也所著說莊孫子說印玉衡集峒嶼文集批選  
陽明先生集行世而自家梓行者盡灰秦燬公常語  
其弟馭芳云予生不欲傳其文正恐以語言文字得

禍嗚呼豈公歿世而可不傳與

石軫餘先生傳

石萬程字仲升號軫餘中萬曆丁酉舉人至天啓壬戌始成進士初授戶部廣東司主事出授九江抽分等轉本部雲南司員外郎再轉江西司郎中乙丑擢徽州知府徽號金穴公冰心霜面至口不言錢值魏璫辜權黃山開採歲利計以數萬公約不過千其後力爭不得卽挂冠去致削奪崇禎元年前後舉薦者凡十五疏特起常州知府常多華族遇童子試率用

顯胄進寒落士厄不得前公排之盡以文拔已而先  
後得雋者無筭常有額稅約三千金故事沒于守吏  
以例告公叱之曰謂之稅不貢于朝卽省還百姓何  
例爲辛未保舉卓異以病蒙優旨回籍丙子交章累  
舉補杭州知府會海寧巨憝吳中彥殺人論死屬猾  
吏以萬金暗投公笑曰是故智也不伸法不已嚴文  
申請撫按具題優旨紀錄杭人爲梓却金頌殛豕安  
民錄以行隨擢本省溫處副使值海寇張弘銘沿海

騷動時議兵禦者了無措辦而賊竟慕公清望開誠  
投款受降萬餘皆涕泣持公袂不釋海事以寧病乞  
休奉旨加二級賜金假痊起用庚辰卒于塗公性篤  
孝友讓腴割居夷夷坦坦置義田義穀以贍親族之  
貧不能婚葬者強記嗜學老而彌篤尤精究內典所  
著藕花集詩禪讀古初刻行世至今三吳兩浙間有  
浮湘者必垂問曰石氏清白吏後無恙乎真古遺愛  
也

謝石駮先生傳

謝肇玄字石駮號康侯初授嘉定州牧會李孝廉中奇獄幾斃公至覆治之如燭照龜卜李獲夏生州人神之已而課士儲備有法度遷北戶部郎督餉不置庚午典試滇南稱得士明年除兗西副憲又明年拜濟南大叅屢捍危城平土寇乙亥值獻逆披猖鳳穎城陷收復甚難尋以按察使銓補穎州道公單騎視師守禦備治賊却去務亟焦勞訓練士馬精厲一時稱

石村文集

卷上

石村文集 二十七 卷上  
壯焉後賊復犯穎穎安守壽壽固乘陴戮力奮不顧  
身著守城機務要畧朝議謂公祇力巖疆不懈一時  
無出公右者會甘肅撫軍須才亟將命公受事以崇  
禎丁丑正月勞瘁卒于官年五十二而才不盡用惜  
哉事聞上爲哀慟追贈大僕寺正卿嘉曹穎壽等處  
俱立名宦己卯潭人士舉祀于鄉公忠孝性成負才  
清敏歷官十餘年凡大小批答酬應一手辨治無纖  
毫留難然時開衿扞抱魚魚雅雅雖簿書鞅掌暇輒

簾閣據几史書吟誦不輟如一名士也遺詩文凡凡  
卷自年少登第及筮仕鄉無間言居官無闕行至今  
庭階猶稱森秀云

張寰應先生小傳

張嘉言字寰應中壬辰進士初授廣州司理故事邊海總叅遊官各置兵防守然叅遊兵歲遠出汛遇間歲修船則議裁各兵之食以資舟費獨總戎部兵歲不汛而日食亦無所裁率以爲常忽撫軍某符下議裁總部兵日給以備船用總部兵卽譁謂公實司耳目者露刃逼公堂公嚴定立堂上呼曰汝何訴誼不便聽衆當退須能言者五六人上階語予爲汝任事



石木  
卷上  
衆果下以六人上白前事公曰汝欲卽不減亦得但  
上司惱汝等不出汛而參遊兵勞且減餉自今欲使  
汝等與參遊兵每歲夏番出汛汝寧不往乎若往則  
汝等亦同參遊兵工食減半矣汝所爭而存非汝曹  
得享而參遊兵之來代者所利也何不聽其稍減而  
汝等猶得歲歲稱大將軍兵安坐少食乎六人隨思  
不能對公徐誅之曰汝六人當自署姓名來便爲汝  
白事六人相顧錯愕公曰無姓名則汝卽有訴誰代

汝達者乃一一藉其名以上公卽莊語曰汝六人自  
今白衆必無譁譁則汝六人姓名在上司竟斬汝頭  
矣六人率衆懾而退後議總部兵月減一錢無敢譁  
者其臨事果毅如此等遷工部營繕司郎中以註誤  
落職還公遂縛屈奇智爲經紀生產業務農桑蔬果  
泛濫涉躐日聚家奴百輩晨出暮返極心力團聚雖  
猥屑薄業亦累貲歲至百千計謝仕四十餘年課諸  
兒爍燿先後舉鄉薦燧讀書成名諸孫亦森秀階除

歲租入至萬石奴僮千餘名貲數十萬晚年市義佞佛所施給亦至數萬年八十餘卒自公歿而遭亂掠落至不可把控天生偉人食太平福决非偶然者或曰公苦忌者以富掩其才觀公所著在公錄則真掩之也富猶可弔也

張殷生小傳

長沙用子史經術治八股鬪奇天下首馮根公與張子殷生稱兩雄丁卯督學虞公嗜奇僻二子分長龍邑兩庠士俱拔第四受廩餼馮子遂以是年秋魁楚取讀張子卷則藍圈滿紙高讚盈版張意怏怏遂不自得也明年馮子北上還與張子列東西居馮子手一卷取泛覽流觀畧見大意止張子則務刻苦記識無涯涘畔岸句讀字釋一吟唔高唱如小兒行每過

張子廬蔬盂糲飯時佐薄粥茅簷不完篝火不溫惟  
聞讀書聲淫淫浮出戶籬外與寒烟霜月相敵以是  
名震噪諸生中閱庚癸兩闈俱落羽貧益甚張子讀  
書又益日彊也丙子予與張子以觀風受知扶曦楊  
公俱第一是年秋又同出乙榜予素遊戲得失力釋  
張子意張子還入門見老母食脫粟起衰無力撫諸  
女啼泣饑且寒對諸弟牋消骨立有窶人形張子乃  
不覺仰天歎曰有如我以文字誤若者罪當死坐是

鬱鬱不遂踰年走寇僵怖死張子身餘四尺人輕眇  
如棲蟬枯木至與馳逐文字短長論人物高下雖蹴  
踏龍象排拓山海比烈丈夫無過者所著易史數卷  
凡言易元亨利貞吉凶悔吝無咎可貞之理皆窮極  
渺微力薄不能付剗劖存繕本流傳人間張子歿後  
郡邑中私用是書狂叫創獲者多有記張子以丁丑  
尚寇犯長卒于鄉成禮葬越七年癸未逆獻陷長馮  
子死同時王何周李諸才士死悲夫彼以功名憤恨

終後乃斷頭截指血膏艸野其凶短折益不勝哀也  
張名世英殷生其字子一經去儒學農張于馮子爲  
表兄于予爲妻舅氏云

李非文小傳

郡南城外街術橫豎可四里烟火千餘家比屋清英  
子弟致以百十數其真能讀書見頭角者稱李子有  
斐非文李子與馮子根公世東西夾旦山而居其父  
叔某皆出馮子尊人啓我先生門方馮子丁卯魁鄉  
薦李子初就塾句讀阿父叔卽從與語曰若必如吾  
師子根公文奇而名揚督課拘牽之不移時每良晨  
爽月予與馮子旦山數晨夕李子嘗蹇蹇挾數卷至

乞去取點定間出入經史問奇釋結目流耳注無纖  
毫畱難予奇之予遂厲戒李子曰必如阿父叔言欲  
振鵬而搏其翼不能登天也盍從予兩人言于是進  
李子于庭而薰沐之挹諸奇士而見之洪鐘雷鼓以  
揚之思風言泉以飫之然後李子開襟張目汨汨移  
情而不能返也退而通詩春秋者一年研貫秦漢晉  
魏者一年文成數十授予輩讀自命能奇果人人稱  
奇明年彙旃高學使試拔第二又試夏拔第一其文

精厲廉悍推拓出入人遂無不折心遜服李子者李  
子年纔二十許人幼哲而潔詳思凝視才辣性慧又  
刻苦博記以故落紙卽人木三分生來工書兼艸隸  
楷楷尤佳應人書無濃寒盛暑雖片紙敗扇必精忍  
頓挫取工故李子擅文與字稱癸未逆獻購馮子屬  
阿叔弟屈擊馮子死而李子不言阿父云李子極言  
苦不從不踰月李子以兵死嗚呼馮子聰明地下人  
必能辯此予何敢言何忍言

周聖生小傳

聖生名充本周姓湘鄉人幼貧矢志以贅就彭氏爲  
彭充某年赴長令史童子試史酷愛好其文取第一  
日致聖生飲之食之訪師教誨之暱呼曰充兒一時  
人士知爲長沙彭聖生充而不知其本周也聖生姓  
彭稍稍爲彭抑其妻數承父兄習亦多窘辱繩墨聖  
生聖生遂思念復周去彭畏而不能也久之聖生名  
日噪交日廣長令吳公長李李公督學高公雅推聖

生才以是知己間有所贈賜聖生捐其餘以陽娛妻  
與岳而挾貲爲己父約畧周旋其妻若岳又膠滯咀  
嚼聖生而亦不能也聖生嘗向予蹙語彌日予曰寧  
有一婦人失一老父者父一而已人安往不得婦爭  
之必不可引去之聖生壯其言督學王公來聖生堅  
議復周姓遂以周充得優第梓其文盛行于是周子  
聖生充名始成明年辨迎周父兩弟養于家厄其妻  
驍憊而家不寧遑遑周子臨文把酒山水笑傲氣豪

語壯無大小辟易入門刺刺奄奄乃如失志人嗚呼  
天固以是苦周子辛巳江門蔡公課士以文奇進周  
子嘗令予比試一日予撫題澁倔覓奇苦不得周子  
乃筆搖手落墨飽心雄如鶻落兔起不絕取讀其文  
燁燁如雷電驚爍雲垂水立引人駢馳大海洪濤之  
中也予避服太息至不能言翌日公詰語周子曰子  
偏師急擊郭子乃能堅壘予以此心折周子才周子  
間爲詩學晉魏逼真晉魏著春秋弁語數十篇帙高

寸許皆散逸不傳狼倉避獻逆幾死獲免卒遇左師  
大索求賄不饜絡周子與父子第四五人俱刺殺投  
尸于江遺子一與弟逸上湘又無以爲家痛哉

周伯孔小傳

周聖楷字伯孔年二十縱跡京師與竟陵鍾伯敬善  
見有一夕爲竹枝詞三十首者短之鍾曰才過此乎  
周曰能爲具楮墨扇戶凝燈自酉達寅得百首出授  
伯敬讀皆穎脫妙麗驚人明日百詩滿長安自是天  
下才皆斂手避周郎也久之伯敬趨周南還屈就舉  
子業伯孔遂研磨宏肆繩經切傳手大家數卷不釋  
及與時流施舟傅粉取蔓詞雕琢卽面發赤以是婆



婆流行者十餘年將四十築湖嶽堂于潭之東偏而  
讀書帆圍其右每江聲夜月湘烟連蜷接待天下名  
流一榻數觴敘說古今傳人勝事論詩學興衰批堅  
導會未嘗不解疑釋結使人夷猶永日也伯孔才激  
宕而性崑穆與人寄趣侶躁一掩開展卷含毫凝視  
闐然如靜女枯禪所纂著楚寶凡幾十卷爲備楚事  
也著生氣錄集明三百年舉子業因文以徵其行也  
著湘水玄夷幾卷爲晰湘江也著中庸贊爲闡學也

其詩流刻不一而律尤工晚梓湖嶽堂前集自言其  
詩不肖涉唐以下一語以上皆已刻而未刻詩流傳  
人間交口贊誦解者索觀不復辨摩詰龍標爲不侶  
伯孔語也

何聖徵小傳

何子聖徵名應瑞善化人父某初家南湖射竹木賈利累千金何子失母蚤獨益苦貧踰年何子成諸生通交遊豎立父稍稍喜乃資何子財父遂徙城南別居何子因愛南湖就家焉南湖面麓山帶橘州上接湘流下遠城跡遊人韻士去來有事長沙者例得茲地舟停帆馬逸足何子能自恢諧縱浪招邀作歲時花月主人以故州郡人士無不願結契何子者南湖

石村文集 三十九 卷上  
宜樓凌虛俯江接待帆影沿江居人皆苦風塞向大  
失佳意何子獨構一樓曰宜樓又擇宅西廡地別構  
竹樓爲園曰瞻園四窻一閣一島菓樹周匝明媚娟  
潔左顧有高陵濃雲耀目右窻透一隙則江聲漁艇  
出入滌蕩牀几筆硯間可採而得也園宜讀書則招  
楊子仲先馮子根公與予往宜彈琴則招涂子客之  
王子玉社往間宜歌何子則自清音吭浪檀版催張  
麗容妙舞愛戀花晨月夕之下不聽予輩興闌意倦

告且止何子必不止時予數人坐愁困日出接何子  
輒改顏開口移憂送喜靡靡侶堪終日者予嘗與仲  
允論交末俗饒不得大俠必如何子自快活羞疆人  
意嗚呼是何可不思何子彌年病不出戶猶念舊時  
竹樓燧已買于氏園子布置將造會九月城陷負病  
走西寧丁氏家丁氏毒遭獻逆大小斬手至五六十  
名何子遂與丁氏兩人面縛裂屍六段死其妻與子  
女五六人先後死丁子名遇時字開明開明縛時大

唾罵逆獻不絕猶叱何子泣不名六夫而丁名不傳  
悲夫

王玉祉小傳

王子玉祉諱士璞長沙人其父某與異母弟士琳用  
木賈起家累千金工計筭出入士琳縱肆為刀筆奇  
詭能張大父事而玉祉獨自酣飲鼓琴畧不治生父  
母弟俱厭棄之以故王子不家食挈妻文為灌續自  
業別居凡王子所居門嘗掩庭嘗無人茗聲嘗沸香  
嘗出戶琴聲釋釋嘗流衍街巷戶壁間見王子嘗科  
頭瞋目坐其妻文未嘗一日不拂塵執塵麤服操作

在側也予晚交巽之與之言文字浸淫左史晉魏尤篤嗜柳州昌黎益異之久之王子益貧室中無好醜盡鬻去獨遺一琴數卷徙倚遷卜多擇廣園大澤居之每招予輩往內人出奇蔬野茗青紅錯雜泌芬齒頰多至十餘種必力請命名乃知王子弄音送善問字析難流戀花棚松憇自辰入酉返刺刺不釋也如是交善者五年中間契濶者一年癸未逆獻陷長沙王子避于山不幸與士琳居逼有以琳戾行告者必

壯語厲責數過琳啣之不言明年賊退一時官吏多失直會邑令繆某與士琳善令又素憚王子慙且賢囚繫于獄卒爲士琳七日絕食死死之日王子悲酸告絕貽書于友四人楊子仲先吳子去慵李子孟穎其一予四人爲王子友不能以身脫于獄又與第士琳俱生嗟夫

張和仲小傳

張燧字和仲出潭華族父兄弟皆貴好治生產業而和仲汲汲務友朋書史言動靜治不尚苟同自太學還構香海居周匝清流古木中繫一舸無濃寒溽暑晨起手一卷命僮著紙筆自隨有省輒記識之雖籥溷不釋興至偕僧具香茗上舟拽蕩前灣濃陰樹下展書凝坐篆烟茶沸往往好鳥送音弄羽其上亦不知去也予常望其地三歎謂太平受讀書福無如此

君者所著未見編千百年眼易後行世或曰與其好  
友夏君憲諱楷者同纂時未亂以病卒於家又考終

云小真與至世計其香客上世與前代無異

其賦平一守命壽春豫軍自調休官時之

張謝有武賦則謂常古本中樂一賦無

其賦平一守命壽春豫軍自調休官時之

其賦平一守命壽春豫軍自調休官時之

其賦平一守命壽春豫軍自調休官時之

譚近齋小傳

譚舜臣字近齋居貧時喜推有無愈推而愈有久乃  
得富以好施名壬癸連年饑夏大水漲沒沿江居民  
方夏食絕公拏舟具米鹽揀貧者贍之民賴以活歲  
終率持糜肉具薦絮以給禁罪之無告者家門置紅  
白米二貯約以紅施丐者而以白予僧有市獮雜肆  
中暗竊鄉人金去已而鄉人橫指是同行者也爭鬪  
幾死公知之問其金如數給之得兩釋而卒不言偷

者名以富壽終再傳有孫景行甫十九歲聯捷成進士雖蚤貴而行恂恂如孺子或曰報也踰數年而子若孫以兵盡餘一孫又苦貧天之報又何如者

廣信太守金銑小傳

明天順間信守金銑廉幹有異政常視空中作迎仙語人怪其誕視公夷猶自如也會信旱信有八際龍潭故事遣役祈者持物往禱于潭苟獲鰕蟬虫魚之屬卽歸致雨以爲常公謹謝曰吾不爾特製金盤一具裂日步行八十里至潭默祝此來必求現真龍身然後返少選波湧丈餘水浸公身之半公不懼倏忽有物騰踴爪其金盤去公謝起行果大雨是歲有秋




踰年公以覲渡鄱陽衆見湖中有物附舟雲垂水立  
如捧持者舟人震懼公朝服謁謝如常度取視之卽  
前金盤也或曰大禹視龍猶蝦蟇此敬勝耳或曰公  
仙吏蓋曼倩子喬一流云

### 澹齋小傳

予居塙室之西叢而刹者無筭數其最後者澹齋顏  
然數椽當孔道而立環視左禪右教纍纍提衣具操  
錚鈴趨上下出無朝夕停也澹齋決定一念剝俗淨  
盡手一鋤戴一笠破雨晴寒暑事圃菡數年久之語  
嵩和尚來自蜀就菴三宿將上嶽澹齋侶心契語師  
有密行者把語師泣曰此地有勝因願大師住錫某  
甲請以功行爲護持師可之又踰年澹齋構屋二重

背錦灣面昭峽竹塢蓮沼清景畱人語師常孤筇出  
問名流勝事澹齋如如悶悶不定不動無從覓其聲  
相行持也甲辰某月某日澹齋忽告病臥三日起上  
堂白語師自今請法名落髮某甲某日將以佛子往  
西方僧俗會觀者詫之語師敬如約澹齋跪拜謝佛  
及師皆有度屆期洗沐訖結跏趺坐疾呼語師前爲  
說法設三問答皆有惺時方午澹齋勅諸禪者昇入  
龕諦觀聲音氣色挺然生也諸禪者難之澹齋張目

搖扇曰好笑人好笑人卽逝去嘻乎善哉坐脫立亡  
不在是耶澹齋籍江西俗姓黃中年以醫見德吳江  
馬氏晚棄醫慕道遇語嵩和尚始師事平生鬚髮皤  
皤如山癯及將示寂乃披剃請名心覺馬氏始事澹  
齋繼供養語嵩脫貲建刹不假乞募聞澹齋歿其家  
人哀哭披緇三日乃釋三生之說將毋同



原件短缺



青青一抹出嵐中移時喧笑語爲叩石曰舊號獅子  
象形也因石膚理黑黝名黑石象色也疑形與色皆  
不足以辱吾石宜易名楊子曰聚石云百里賢人聚  
也吳子曰煙石是時有煙出沒村墟漁艇之間也郭  
子曰浦石記周子言湘浦浦始此質于師師從卜卜  
從周子言師酌酒賀石命郭子紀事鐫勒屬諸子各  
賦浦石詩

舟行切朝炎寒煙幕江潄滌洞信所適羣心澹太古

願從夫子遊躋石開聽覩西山晃異色領畧各自取

黯慘奇石姿命名厭鄉土夫子採玄夷

周伯孔著

云是湘

之浦叶卜從人謀茲遊異疇伍李白郎官湖宗元愚  
溪主斯文不磨滅勒石戒風雨

碧泉記

距潭西七十里有泉曰碧予幼耳其名奇之乙酉麥  
秋之望吾友唐魏子訂予遊紀事謹按唐天寶間泉  
自石竇出瑩徹一泓氣蒸而銳搏沙璇波上滌螺髻  
泉底饒柔條紛葉小蝦乳蟹紛詭迭出雜錯采采四  
時有金色小蓮碧光浸映不實而妍遊人乍觀駭矚  
如小屏列錦如春苑初開如瀉瑠璃水晶盆于地而  
光燁燁如列大寶鏡于日而青黃赤白諸色變現實

石村文集  
五十三  
際也夫水之奔者瀑者嘒而怒者屬動必有聲而泉動極絕無聲凡淨者乃潔而泉無物不具又極潔視沙上下皆碧而掬視反赤水浮光淨白而投物于水輒碧然則泉無對而諸物有對物不住而泉亦無不住嗚呼觀于斯也卽何影不除何相不破乎泉縱廣約三十尺深不及十尺自下鬢沸而溢于頂常尺許及冬蘊隆氣騰而上夏數尺測崑之半有樹如蓋蔽泉身春不榮秋冬不凋落無雜鳥喧集故泉不污品

泉家惟甘香冽碧泉冽稱勝予及魏子就汲試茗而味大變再試亦然汲下溪流數十丈乃佳遠夏佳有病噎者挹泉沸處不能下一勺易他水輒噉數升暑行憇于此勿多啖也併記之以示來者

重修萬樓記

天下山川名勝無不假樓臺亭榭儷綴而成潭之南  
有錦灣石塔晉陶公唐褚公山亭刹宇滌洞映帶視  
北郭下水出處卽平流斷岸無臂技開捍舊志所訝  
頽然者是已明乙卯間邑侯包會宗伯李周度燕子  
橋下半里許累石爲臺峻以欄約七十尺塹江截波  
如是利賴茲邑者幾三十年關甲申春以兵燹閣遂  
燬而石臺屹立無蕩圻迄于今又二十有三年歲丙



午邑侯鄭理絲休暇率潭人士披榛夷道登斯臺而有感也慨然謀所以新之諏自三月吉迄五月末凡三閱月閣告成潭人士礪石揭表將以志侯之德而賀斯閣之就速功也侯瞿然避席語曰始予之爲此閣也客有難者曰財匱而用浩公事劇而暇日不克自非鬼神輸運歲月精勤勞費其誰任謹謝曰唯唯又有教者曰此閣壯潭邑關四方耳目久矣公幸重新比于滕王有閣醉翁有亭子京岳陽有樓公名且

不朽又謝曰否否予霑公化垂六年公治潭鳩工集事何廢不舉乃今之建斯閣也豈翳自爲凡以爲吾潭焉耳比者潭士多瓌奇博秀乘英主出宜及時登進潭民亟貢棊壺漿無他謬巧宜康富其工賈水陸奔赴蚩作夜思宜利殷人和若猶未然不扶藉地靈以匡茲邑如吏職何謀乃心協乃羣謀重理茲閣示開糶資屯踏蓄積又與聶高峯塔乾吳二方互雄長夏于邑士大夫有聲允公之利賴茲邑于萬斯年又

自今始矣若乃騷人逸客停帆載酒而登斯閣者南望祝融指點青冥一抹出天半東顧昭山奇峯蹲峙如疊翠堆雲西眺韶雲蒼莽依稀聽有虞鳳音北瞻靈麓則聳身迴覽與七十二峯上下接待僊僊乎若飄天外而行鏡中此誠湘南之絕勝而非予記之所能悉數者矣閣之右建書院爲屋二區衆議延頭陀居之四時司閣門啓閉或曰書院以備講學也文定父子與南軒隱山論述皆潭往事安知無繼起君子脩明斯道者乎舉此閣院卽與白鹿嶽麓諸大書院竝傳可也尤異日太平盛事也宜竝書

壬子暮春客邵州從同人覽遍附郭諸勝有唱詠詩  
 同人又稱白雲巖毳勝四月十五乃同遊巖去城約  
 五十里自孔道入山半里許從山下躋雲巖約三里  
 山上中下皆列刹僧貧甚遊人各持糗糧往乃不饑  
 巖內具石大士一座極天人勝妙遠近人士瞻仰祈  
 嗣多奇驗故巖名獨傳巖以上石磷磷起入雲中詭  
 險無攀級仰視皆佈而健夫小子掉臂行絕頂已下

遊白雲巖記

壬子暮春客邵州從同人覽遍附郭諸勝有唱詠詩  
 同人又稱白雲巖毳勝四月十五乃同遊巖去城約  
 五十里自孔道入山半里許從山下躋雲巖約三里  
 山上中下皆列刹僧貧甚遊人各持糗糧往乃不饑  
 巖內具石大士一座極天人勝妙遠近人士瞻仰祈  
 嗣多奇驗故巖名獨傳巖以上石磷磷起入雲中詭  
 險無攀級仰視皆佈而健夫小子掉臂行絕頂已下

復上縱歌天半爲樂幾如嘲戲老人也惜哉予記所  
經遊處爲四詩繫以序疑缺畧甚異宣暢佳興者有  
屬和諸公其時潤州開少錢公邵州孝思香函車公  
茂孫吳公我皆車公介如陳公同年王穉潛年姪匪  
石二公泊唐蕭謝諸君子二王夏具酒饌要宿石馬  
渡是夜夜分浮舟看月興尤狂諸公各賦古律詩勒  
石屬予紀遊事以報山靈

初勿堂記

吾友謝鳴玉肆遊志將二十年自癸巳迄辛亥歸葺  
舊所居址自題其額曰初勿堂屬予爲文以記之會  
有請命廬意者急搖手曰文字無定義指事會意從  
人測識郭子知予者其爲我言予曰初者天地萬物  
始生之宗也易曰太極老曰玄牝釋氏曰空無色相  
皆是也今鳴玉足跡遍天下長耳廣目探究天人理  
數興闡意倦乃返家園篤故舊日教兒孫醇謹務雜

水桑麻疑若終事者而乃以始事名之豈非子房功  
成辟穀祠黃石長源罷相返衡子陵堅臥富春釣臺  
不肖出意乎且勿一訓母禁止也一日勿勿猶勉勉  
也又憶鳴玉年方剛時鞅掌拮据稱海內能人將老  
還家不求雄飛取潛伏其不勉勉而用四勿箴戒之  
義可知矣易之乾行健不息其繫初辭曰勿用其終  
繫用九惟勿用卽能用九無首之義與勿用同聖人  
居高履盛而仍以小心儉德持之原始要終其旨趣

一也或曰廬旅也古者賓客行道所寄舍今謝公所  
居上自蘭石先生及璜珩璠璣諸名夙起家第宅潭  
人所指烏衣里巷何廬爲鳴玉笑應之曰君不知夫  
天地一蘧廬萬物一逆旅百年一過客耳吾視潭城  
朱門荆棘沉淪浩劫者數矣吾尚憩吾廬而用吾勿  
而不忘其初雖自今傳子若孫歷雲仍數十世猶廬  
也郭子怒然愾欣然若有悟而歎吾友之能善藏其  
用也于是乎書



儉德何居間嘗思之士德冠四科之一儉非純美也  
以裁奢則儉勝以除泰則儉勝至于葛屨刺襦汾沮  
矢度佻魏風朴鄙不得與蟋蟀良士比大唐遺風君  
子無取焉異哉季札之觀魏風也曰美哉風風大而  
婉儉而易行王者輔之足以治或贊其聲非贊其德  
歟善乎楚子之論重耳曰晉公子廣而儉文而有禮  
天將興之誰能廢之夫不廣卽儉無所施無文無禮  
卽儉鮮實用當是時晉公子非能以儉自避難者乎

禮曰太上忘情其次務施報禮尚往來載觀周禮儀  
禮又何繁縟濃重情文纏綿不絕乃爾乎故德可儉  
也物不可太嗇名不可太清忍不可過慳不可居凡  
此皆悖德也非儉也吾友若啓貧而好施予交天下  
人贈貽周浹無虛日跡其行非守儉者而專以儉德  
名堂將焉用之解者曰儉德訓斂不與奢對義取收  
斂約束以濟時艱予謂以斂訓儉猶以飈揚塵以膏  
沃火儉益無取焉若啓正色幸教曰大易言進退存

亾吉凶悔吝者數矣而獨于否著儉德蓋憂患之至  
恐懼修省之微文守中用默其道無窮非教人齷齪  
陋劣如財使護惜者此蓋儉德非儉財也果否矣卽  
封殖千萬閉戶不納一人懼不免于難吾非敢習奢  
而惡儉也懼其以貌儉而悖德傷于大聖立言之旨  
而不足以訓子孫如君之論儉德不訓斂而訓儉其  
言狂而切于世務講爲我記之予飽墨而樂爲之書

題曾西山得孔顏樂處記

沿玉垣行十里許不逢一縑流盡一月蜚暮不聞魚  
磬聲問所與遊名下人求一方外通脫卓然之士謝  
無有一日學博西山曾先生招予徃接其言動靜治  
如一泓定水入其室竹陰柳色蒲青蕉綠錯置清厨  
野圃間殊勝致披其帷書數卷古帖幾帙筆硯几榻  
間不畱纖塵再移數武而上一閣玉立門常掩不接  
世俗人頃有揖予入者爲古林大師大嘯曰君固當



入具香茗移時譚謔跂足二北窻下指示宗要居然  
羲皇以上人先時煩溽甚至濃陰豁暑冷然意足  
神王矣閣之陰古樹一株大數圍測地而上閣高半  
身枝葉紛糾如護閣樹以下湖水環之西山種蓮其  
中夏月荷香甚都與古林子夜開窻現宰官比丘身  
說無礙了義至不寐予艷其事還告玉令唐魏子魏  
子曰杜工部每歎鄭廣文冷官荒飯侶不及飽梁肉  
登臺省者如君言不乃勝耶予曰微公言勝西山亦

自許丘轍過之翌日予同張鹿牀先生再過訪就額  
其版曰得孔顏樂處而倡爲詩以貽後來居此者知  
愛護焉

附詩

古之大丈夫救世始一出一身塞天地恃此匹夫志  
古林真大儒直指西山義六經舉三藏是一原非二  
孔門重好學豎立不愁位空山廟貌先此樂具真寄  
有問樂何爲孔顏竟無事

其門重我學豈立不將空山願應炎流樂共其寄

其門重我學豈立不將空山願應炎流樂共其寄

其門重我學豈立不將空山願應炎流樂共其寄

其門重我學豈立不將空山願應炎流樂共其寄

天井院記

佛說四十二章經至二十難一曰轉女為男難又嘗  
宣示大愛道瞿曇彌云女人不得轉帝釋天身雖終  
得法不列小沙彌上座予每心惕其壽為行者針錘  
今觀金華聖女除苦集立可化去又驚喜曰異哉勝  
于疲憊男子不任鞭策而老病死者萬萬矣方華棲  
息天井時根塵器界一切銷亾如龜藏六求示一相  
于親生父母者無有也而况餘人乎父母猶育華如

恒女也趨之歸華遂蛻棄此地現身澄心禪院斂薪自火燄及面笑而示衆曰吾金華菩薩也雨且至盍歸頃之雨注洗其骨如玉衆信塗以香泥像而藏諸院應人有求卽得如影響此紹興四年七月十五日事也其後務林鄉人悲念聖女雖化身仙嶠而其初則建炎間住天井院證修法場也創寺祀如仙嶠沿宋及元救災捍苦弘治間精刹益著迄萬曆後擴之會有令張道深者覽其勝額曰福山菴清順治九年

鄉人憂其舊院就頽也合力重修加廣麗聖女自是有兩法院矣惟著跡仙嶠者有趙蕃銘韓詳記可附傳不朽而天井院實生成聖女衆心悲仰夏親切院久立而無文以記懼其野而不光也會里士王君姚升因予纂邑乘遺事懇一言以示後之閨淑有軌範而凡爲丈夫子無勇猛究竟者使知悲涕自責焉

重建櫺星門明倫堂碑記

楚之南潭以山川人物今古稱雄長吏茲地者亦率  
 有絃歌文明之治冠諸邑而號賢良清興幾二十祀  
 選者寇訐兵躪彌漫蕪莽視西垣內措一角于茅簷  
 蔓艸之間獨先師孔子廟尚拱壁如魯靈光殿巋然  
 獨存前吏繚之斃之又塗葺之既踰歲時榱崩桷圯  
 承其倣者學博徐公李公道存目擊率邑子弟啓事  
 邑侯鄭公且曰毋動為大功有序其自前始庚子夏

鼎治櫺星三門不踰月三門成今年癸卯鄭侯蒞事  
之暇又偕徐李二公剔除廟後明倫堂址大起廣宇  
率如舊門視殿測高之半廣如之堂高視門又增之  
廣從同自此登孔子堂者前後皆鼎新巍煥獨文廟  
尚柱傾桷摧不偃不斃今奉上檄督修議大作惟鄭  
侯與徐李二公又勇猛有同志也前事勒石曷須之  
邑子弟具前致辭曰事難于圖始功競于落成乃者  
潭處事會倥匆之日邑大夫苦征符兩急師弟子亦

率用追逋完負爲憂今幸官不譁士不讎工賈亦順  
應子來乃始營度土木于詩書禮樂之場其氣可鼓  
其功可旌其人可紀載以示風勵也使聞西孽不特  
靖馳報天子將用獻馘獲醜如泮宮奏功故事庶幾  
先師孔子之靈社稷之福其新廟貌無疑也異時磨  
碑指筆續志不朽焉惟門及堂其始基矣予惟邑子  
弟言勤于往鼓于衆而又有希于來者亟濡墨紀事  
凡有事興作及補助者其氏名例得竝書碑陰

潭學博徐公子寧以康熙十年計最擢授山西汾陽  
 令潭之紳士張錦祖餞意猶未足也且曰公有功聖  
 門者不勒石學宮無以傳不朽方公至時潭文廟摧  
 頽兩翼搢數椽欹立風雨莓苔中上漏下敞朔望視  
 事至如率曠野堂署門廡藉艸蓬蓬公憮然曰潭南  
 垣外治二氏刹宇咸壯麗吾徒乘輿運履人文盛地  
 忍如此如吾道何招老成數輩詰前事具曰某年議

徐子寧立學宮碑記

代

潭學博徐公子寧以康熙十年計最擢授山西汾陽  
 令潭之紳士張錦祖餞意猶未足也且曰公有功聖  
 門者不勒石學宮無以傳不朽方公至時潭文廟摧  
 頽兩翼搢數椽欹立風雨莓苔中上漏下敞朔望視  
 事至如率曠野堂署門廡藉艸蓬蓬公憮然曰潭南  
 垣外治二氏刹宇咸壯麗吾徒乘輿運履人文盛地  
 忍如此如吾道何招老成數輩詰前事具曰某年議

葺殿費幾許葺兩廡費幾許葺已復壞壞更葺迄無  
功公曰是糜費也是無責成也自今吾主督事多士  
其刻期課工庚子鼎新櫺星三門越癸卯鼎治明倫  
堂門視殿測高之半廣如之堂高視門又增之廣如  
舊其時同心勦事者前邑侯鄭公有成今移治陝之  
真寧均有聲惟先師廟工用浩大苟輕作恐不能竣  
功公時周視其處有曰宜移易榱棟者有曰宜益一  
木楮梧者公難之曰前後門堂旣新好而大成殿夏

補苴罅漏豈妥侑乎必撤而新之選白邑侯趙侯曰  
是吾志也爲序具冊首註助修若干報徐公走告諸  
紳士敬率從公與諸士約期量力輸費示期督役計  
自庀材量工大小新舊錯雜銖兩之用細及廩醪茗  
鹵日時出入之數皆公運一心一手積勞于數月諏  
事于數金約畧彙成數于三百餘兩嘻異矣吾行海  
內習見創興文廟率非集羣策斂巨費卽無效公乃  
以獨力省用不累月工告成此卽劉晏賈魯待籌布

算何多讓也下視桑孔安石毫毛晰利又不足譚矣  
清興垂二十五年失養士例戊申公與趙侯篤意  
造士復優免冊訂都各二人人二石歲率三十六人  
復其身後此輪差註免以爲常前壬寅西山起繇役  
多窘士族賴公措網釋結不惟拔士且拔民餘時用  
舉子業指授提獎就裁者彬斐滿潭序癸卯應滇南  
聘所得開闢手以真宰稱今公淬利器以往汾陽予  
得綜公績懃告汾人曰徐公主潭學政十許年而建

工設教咸不負聖人今爲吏牧民宣化又宥上負天  
子乎然爲司牧勒碑頌功德繫繫而頌學博迄無聞  
微子寧其能令潭紳士綢繆膠結乃爾乎予備史員  
亦將博採儒行用佐循良異日之選矣徐公名熙明  
字子寧辛卯舉人楚黃羅田籍順治十七年涖任康  
熙十年秋始赴汾陽告行



...

...

...

...

...

...

鼎修城隍廟碑記 代

王制五祀凡有功德于民者春秋率以時致祭自二  
 時外月朔望邑侯率其屬味爽朱服謹拜揖惟城隍  
 神例得與先師孔子尊嚴齊壹無廢儀弛事尤勤且  
 重焉潭俗尚鬼佞佛附城祠刹咸崇隆鏤飾無恡惜  
 視城隍廟頽落殘垣蔓棘中榱棟楹椽屯聚朽蠹級  
 夷垣剗衆心迷瞽神用弗歆潭宰雲麓趙公至怒然  
 憂之謀于心斷于計而復詢謀士庶曰潭居湖南水

陸之會五方雜處烟火和樂撫循視長吏然陰扶默  
助風雨以時年穀豐稔俾民無天札瘥癘賴城隍神  
實康阜爾人茲神列爵惟伯錫號顯佑聲靈丕著孚  
佑弘長視廟且圯滋怨恫士前致辭曰爲吏治民事  
神有常經典祀寢廟修舉以序公前年倡建大成殿  
興儒學茲神位號秉命自天與儒分治侯率作吾儕  
其共勸厥成民前稽首曰侯蚤作夜思爲民祈福利  
修緝雉堞用戒不虞城完矣而司城之神寢廟不安

非計也侯率作我民其不日子來具慶且舞上下二  
心遠邇協應隨分註施稱心齊等共他平值物料器  
用木幾千頭磚瓦鐵石若干算甃治丹堊之用若干  
緡又自侯一人清謹捐俸纖悉備治程功底績不華  
不簡凡構正殿一宮正門一闢左右長廊幾間殿之  
陰一閣列像如舊祀繚垣周級備製加整始自某年  
月日迄某年月功告成予適假省還朝客潭館樂觀  
盛事深服侯詳于本計而敦民俗也夫崇佛事尚淫

祠徂因緣果報刺刺不休止于一身一家者愚民之事也服儒服修儒行奉先王之道守大夫之訓槩槩習見習聞不敢叛離者士君子之守也惟侯與神均奉天子簡命分治幽明政理則上下咸馨其德時和卽彼此共襲其庥今趙侯夙夜靖恭集鴻駟雉繕室廬厚墻垣與民登春臺夏屋神亦獲有寧宇享豐祀從此奠湖嶽清寧庶幾陰陽合德用以答王言敷帝監神附城以孔固而侯附神以流德澤于萬斯年也

潭人士其志予言爲正祀受福之券予將勒畀史館以爲良吏課最者勸焉廟成爰稽前後助修若干人分任督工幾人專任督修幾人其姓名例得序書碑陰以垂不朽

刻以垂不殊

長封... 玉山關聖廟碑記... 刻人... 志... 言... 訓... 受... 碑... 之... 深... 字... 碑... 代... 史... 蹟... 人...

玉山關聖廟碑記

代

海內外欽事關夫子名號磅礴充滿極天蟠地無不到而玉山一彈丸邑若澹然忘之玉又迎神賽會環鄉數百里及闌闐居民各擁一神爭喧哄而于關聖僅奉尺許像擁博山爐歲一巡市中視與諸神等求如列邑專祀廣大無有也予既擴城東舊廟建立殿堂筵几繚垣幾級雖較所在關廟痺陋甚然用以洗玉人昏黷之習而振國家正大之典不可以無言漢

有天下六百餘年自高祖起豐沛世祖興白水中間  
聖子神孫推異材授大將軍蕩剔中外功烈冠絕古  
今無慮百十輩然皆乘興運襲太平遺烈一鼓動拔  
起而易有功非如公當傾蕩時大奸移位羣雄割據  
獨挈一二兄弟提三尺與漢家爭一坏土也當是時  
曹孫兩家父子兄弟誠一時雄杰無匹爭欲得公如  
神龍威虎不可參而公視魏吳百萬將如無人出之  
入之排之摧之訕罵之無遮攔回互公非獨勇有餘

才足恃蓋其膽足以包之其氣足以勝之耳韓魏公  
生平未嘗許人以膽孟子嘗論配道義塞天地間惟  
氣觀公當日函首敵人鬚眉怒戟雖頸已斷骨可寒  
而凜凜生氣褫奪諸兒曹魄如震雷雪電至今廟貌  
筵几凡王公大人以及頑兇市儈無敢袒呼狂謔于  
美髯公前豈古今才勇真不公若哉公之膽正烈氣  
正剛千萬人不可奪千百世不可磨耳魯陸兩生自  
分失足因人一奮螳螂臂下視吳魏亦偷息猶觚旦

石村文集  
卷上  
暮間而公固已綿千祀而延漢曆矣其爲得失天壤  
相距何如也廟成予惟朔望謹拜祝敬率玉民歲時  
禱祀必以禮忝爲民牧凡教民崇忠正名講春秋大  
義不可不自帝君始因爲文勒石以示玉人

三忠合祠碑記

代

宋張忠文公叔夜鄭威愍公驤自宋肇祀從永豐山  
詔遷祀于玉永兩縣之界又明宣德間玉令林岱改  
營于縣西社稷壇之右崇祀百餘年其後永豐令鄧  
顥死鄧茂七之亂景泰中奉檄合祀顥于忠節祠始  
塑三像竝祀丁亥燬清順治壬辰威愍公後復建立  
易木主三康熙九年庚戌予以春祭躬行廟地疑其  
痺下就溼登降失所告鄭氏子孫整飾之及秋垣瓦

堦級瑩治完潔燦然一新矣更視堂下磨碑一具無  
鏤字鄭諸生進曰願賢大夫繫以文予謂晦菴先生  
記述王太守疏詞甚高嚴可不朽烏容贅諸子弟復  
請曰古所稱說惟及張鄭事無鄧永豐顛且宋詔題  
廟額稱忠節實主二公亦未有及鄧公也今堂上列  
三木主而額記褒贊止兩公某等鄭氏兒孫私爲其  
祖則得矣于名義未安予肅然起應曰忠義天地正  
氣其人亦古今間生常讀青元註度人經云三界之

上多係四種民天賢聖所居如浩劫交周此諸天人  
復生人間今張鄭鄧三公歷兩朝同死國難相距數  
百載疑若時遠地異而其降生符合則固如一父之  
子一姓之臣道同志得千載一轍無氏族名位判別  
也况今趨踰奉祀者威愍公賢裔耳迴視張鄧二家  
子姓不知何所在而鄭氏子弟崇祀二公無異于祀  
乃祖也吾卽起三公九幽問之當必有如廉藺勿頸  
之懽張許竝命之氣交臂天壤而畱笑語于武安玉

溪間者鄧公能繼兩先生兩先生必不遺鄧公人有  
前後行輩忠無差等其死事同其勅祀同其佑我玉  
人除災捍患無獬龍魃鬼將毋同將毋同或曰顛死  
鄧茂七亂死事小較張鄭身殉國難孤忠大節宜有  
辨予曰求生害仁殺身成仁既殺身矣卽名仁烏有  
仁而可分大小強弱者乎鄭諸子弟聞予言廣大而  
有怡于心用祝史告神而勒石以貽後人知所秉受  
焉

湘燐化碧碑記

潭自順治四年二月以兵服明年冬又稱不庭越六  
年正月萬騎自長潛渡圍其城屠潭人以數萬計尸  
墳起與垣簷平會守帥某提餒卒至搏屍衣而暴露  
之墮籍污濘隘巷間橫豎比疊有未亾者欲以面目  
求死者狀褻骸還里此臭皮囊三七日外作鬼畜變  
相竟人人侶又哭而置之潭非忍棄其父兄親戚枕  
籍漫野也法嚴禍毒絕者衆傷者仆生者亦有所偷



石村文集  
卷上  
倖而不敢卽也庚寅新安程青來客潭捐貲命僧斂  
白骨若干石絡以縷購畝地而稍瘞之功且半明年  
上人節中夏謀施主拾骸又十餘蛇鑿三巨穴納諸  
骸其中佈列頭身手足無剝裂倒置居然以衆死形  
作衆生相卜買楊氏之山打某向封大塚三額題湘  
燐化碧勒石表道上構旁舍一延數僧欲以香茗梵  
貝度脫此諸泉下人嗚呼此泉下人誠稱毅魄鬼雄  
至死無憾而節上人昂然以一拄杖予波波咤咤敬

爲湘流千萬鬼伯作護持此中佈施功德了不足譚  
而其志氣于自度度人何與嗚呼上人大勇哉因白  
上人曰世尊不喜親近比丘尼說法馬伏波亦願馬  
革裹屍不碌碌死兒女子手潭之屠滅陽生陰此塚  
中人皆男子身也生前未必無分賢愚不肖今幸聚  
斂魂魄磊起高丘曹蜍李志亦得與廉頗相如爭生  
氣千載吾願孝子順孫貞人義士過是塚而憑弔者  
寧敬毋褻寧服毋嘗將有大招之賦國殤之辭踵予



院則立本捨讀書處也二院隸五都距晉寧不遠始知立本寓玉山有年前後所施宅院地事極確不省舊志記流寓載宋賢甚悉何以遂遺唐立本姓名而前記晉寧亦無齒及闔公捨宅廬墓云云者真闕文也會有問闔公何以寓玉又築墓于此先後捨宅事理如何予曉之曰公在太宗時被召春苑寫泛舟花鳥恥同廝役戒兒曹勿爲猶是太平君臣豫悅一段佳話勞而語憤自其偶然其後歷永徽麟德下逮總

章權歸二聖元老播遺公見賢如房杜平生勤慎遭不肖子蕩覆門戶無餘物佞如李勣方寢疾時戒其弟弼亦曰吾遺諸子今付汝察有志氣不倫交遊匪類者皆先搗殺然後聞公此時生平文彩志業固已冰冷泡沒不可控拾矣况公位丞相已極人臣年老身退子卽才亦當因時消息散家自全且如公言又未必才乎公籍西安之萬年縣去玉數千里其時武后疑王蕭長安爲崇多居洛陽朝廷視玉亦蠻鄉瘴

石村文集  
卷五  
地度公當日或無以言事如韓瑗來濟等遭廢斥而  
居此乎然公已捨宅矣又爲僧廬築墓委付矣垂千  
餘年諸寺猶存公名猶在攷其墓壘壘丘墳錯雜悲  
風萋艸中間寺僧旣不可雜識自來邑令亦無攷古  
遺事披榛致奠以古道行者荒丘零落良用黯然予  
旣從諸公之請額禪院付住持而復周行院地必求  
公墓所在禁樵採使住僧永祀俾知公之捨宅爲寺  
一切無有是真禪定而諸釋子卽住寺護丞相墓者

乃真吾徒也寺垂圯方修崇規佳勝須其成別爲文  
紀之

武安禪院碑記

由湖沿東望一山翠黛如卓筆榜人告曰塢山又曰  
武安山蓋玉山縣治之南屏也移舟稍近有烟一縷  
出山際雲樹蒼藹中或曰此武安寺也又近十里街  
人烟已接目而茲止上峙疑于抗沿江行數里幾盡  
市而茲山平立昂首疑于壓入城從縣治南望蜿蜒  
此山塹江蘸波如巨人立若相掬抱者形家所謂庫  
櫃月將山特爲縣治設也奇矣奇矣庚戌重五予赴

邑侯魏子約始登山山行數折約二里許無就憩者將及寺始蔽樹受風躍數武上遂及寺寺依山右立度山形勝寬閑數弓僅容寺餘皆頗險下走無坦步恣遊地以故前事僅措痺閣一二僧伺佛香火外無壯觀行僧脩來自明迄清身經萬劫不動轉垂四十祀乃次第成大禪院院前有山曰黃谷功曹暖水三山皆掉臂躍而去其後有山層巒疊嶂云起自閩幾百里皆逆折騰踴而來坐拂蘿亭引僧北望或曰此

太甲此懷玉此三清皆青濛切天無岸際是固老佛古仙之窟宅而玉山提封之靈洞也若乃曠然怡悅心目者東津一路輿徒驢跡遶郭外西關以下桺烟野碓錯雜比廬烟火間具一幅圖畫予輩愧無摩詰道子筆今日登高作賦惟大夫記之老僧急請于侯侯以推予又教予曰山川接待君眼光收拾盡若殿若堂重樓複閣皆脩來實行具足其勿遺予曰然又曰前山半有溪山一覽亭今舊址失予必補置君屬

目予爲指雙松夾道處侯曰然同遊唐君公囑費君  
瞿如又屬予曰塏山無塏云不宜塏矣以武謚易安  
不乃鑿乎宜仍武安禪院舊名便予曰然予旣以詩  
辭避唐費二君雄筆率畧紀事付老僧老僧稽首曰  
寺前磨無字碑待能事久矣公賦就謹白侯勒石以  
傳不朽

新修延化橋碑記

古王制冬官戒役以時察邦國之津梁而隙治之稽  
勤惰課殿鼂比于遂人理溝洫艸人掌土化匠人營  
國環涂七軌野涂五軌之制無緩急一也民賴其利  
遇大雨水不濡溺隆冬不皴瘃井里旱澇可以資蓄  
洩四方貨殖輸輓之具可以通轉運王政熄而阡陌  
開後此都鄙郊墊凡橋梁治葺視皆細人一家事非  
復良有司專工利涉之本矣徃者天下久定民殷富

計潭廣袤數百里中建置大小石梁無慮百數十邑  
乘紀列率紳士巨家一姓而辦比歲不病歉卽病賤  
糶勤農波波叱叱求索綯補屋爲子婦遮蔽風雨且  
不給而暇謀橋乎潭西南去縣百里有延化寺其前  
通衢跨水舊創橋二門石立下導小舟春雨漲里民  
藉一葉以代荷負無虛日歲久剝落不亟治金粟不  
生且病國民其如何寺僧某募衆斂貲命工堅治始  
自己酉九月迄十一月告成功立石橋畔索文表道

用志衆檀之德而白本僧之勤以勸來茲也予濡筆  
歎曰治梁古自有專官有經費今乃官不暇而付之  
民民又不暇計而付之僧僧又沿門行丐無素封大  
姓而成于一切有緣之人侶吾儒施濟利用之實反  
不勝其因緣果報之說顯而切敏而有功也嗚呼墨  
氏能助宣王道如此不小吾其可以逃而去之哉橋  
去花市五里去廻龍橋二里許廻龍傾圮數十年而  
利民尤大願告市中長者續斯舉而竝濟焉真盛德



事也本橋始事勦事凡捐修善衆其姓名例得竝書  
碑陰以垂不朽

東嶽王將軍紀事

玉山東嶽祠香火雄麗甲天下其廟製重疊龍象盤  
繞畧與王者宮殿同予行其地問玉人士曰東嶽去  
玉數千里獨隆祀于此何也或曰宋南渡後望祀秦  
山不及奉勅建祠于此以代東巡又問張睢陽何以  
獨顯于東嶽或曰公爲侑嶽神主代泰山行賞罰予  
兩頷之及予纂志閱舊乘讀宋蔡薦汪端明元倪中  
諸記序而始知有神主侑東嶽者爲王太保抃其神

文人累舉不第能詩尚氣節尋赴睢陽募與南霽雲  
同乞師賀蘭進明師不出與霽雲同斷指誓仇有淮  
陰棄指亭記足徵也其後神受帝命顯南方爲南嶽  
司錄奇蹟顯應捍巢寇南人崇祀已有年會南安查  
仲正者謹事神金碧雕鏤塑貌如生一夕夢神坐白  
馬揮金鞭告仲曰吾奉帝勅急移江東水絕處侑東  
嶽自是夢屢夕仲正如夢航以達沿行千里卜不叶  
至玉乃叶果江東水絕處也玉人奉安于煖水三山

此後救禳多奇驗傳王以七月二十五日誕期四方  
爭持香火簫鼓喧闐赴會至蔽天日閱兩月乃停以  
予所見王事本末傳志載如此較今所聞見則惟知  
有張中丞與南雷二將軍嚴坐堂上不聞其有王太  
保忤也又有神自十九都至者爲康忠烈保裔公亦  
云以七月二十五日誕鄉人及期奉神至嶽廟與諸  
神會祀一日詰朝卽還康神震赫濯如雷霆而又不  
知七月二十五爲王太保誕辰也予告玉人曰春秋

謂所見異詞所傳聞異詞今舊志出宋元諸大臣手甚典確非傳聞者而今所見與前異其義何居予兩測之曰王太保原隸張中丞麾下與南雷同難王旣受命侑東嶽後人傳祀追始自應設中丞中坐而旁以南雷與王竝列如生位著無疑者其後嶽廟燬聞神先夜報土人救護土人值火攘其靈神入鄉奉祀祈福忘返比聞各鄉有王太保廟崇祀甚虔竄靈應王或安之而嶽廟遂歲久失攷止遵舊祀不復祀王

亦人情也康忠烈固守瀛洲死國難者其神英毅與王同將毋以王太保七月二十五降誕之辰歲當赴賀刻期蚤至翼旦卽回率以爲常非必如今所傳七月二十五日爲康誕辰又云爲張誕辰而始會祀也予旣疑玉人之失紀而不敢沒舊志之有徵敬率玉人像王太保如舊志云乘白馬揮金鞭者入張中丞側與南雷竝祀無失當日自南安遷江東水絕之語而七月二十五日生誕或王或康或張衆神靈爽自

默識之予不能以口舌爭也此雖祀不關國典而東  
嶽廟祀闕宋及今惟此最前此不知玉不任罪予  
讀志知之矣又不白玉人如古禮行過反在予因辯  
于此以垂百禩焉

汪文定先生官爵辨疑

玉山人物唐以前失記載自宋顯者凡十數人而汪  
文定先生爲最著先生才名科第與立朝大節詳蘇  
大爵李奎周日甲諸記中然諸記所載官爵爲宋紹  
興五年狀元官至端明殿學士封玉山伯進爵上饒  
侯而舊志人物傳止云中進士第一人以論議忤秦  
檜歷學省連鎮閩蜀召還爲侍從以端明學士終于  
祠宮謚文定不見所爲封伯進爵爲侯之說侶乎太

抑予爲玉纂修新志念舊編殘劣甚徧求文獻乃得  
汪先生紹興三十二年告身一軸的是宋高宗手書  
璽文斑駁墨光研然中載文定公左朝請郎權尚書  
戶部侍郎兼權國子祭酒特封玉山縣開國男食邑  
三百戶賜紫金魚袋告詞甚明較記所載封玉山伯  
進上饒侯之說似乎太揚豈前止封男而後進封侯  
爵耶記詞亦不應載玉山伯當云玉山男封三百戶  
進爵上饒侯可也且告所稱文定理財以義富國足

用等語皆屬戶曹實蹟親沐王言者記傳序歷官皆  
不之載而止載由學省連鎮閩蜀召還爲侍從終于  
祠宮何也夫志乘紀一邑事聞見切近况汪氏子孫  
至今猶有存者詢之止知汪先生爲端明殿學士耳  
今有告詞實封玉山男食三百戶且不復記識况能  
雜辨侯伯加爵之事爲有無否乎今存告身以訂實  
而又不敢遽駁前志爲傳訛謹錄告詞于左以俟後  
之博古君子攷正焉

李則古撰于文五器

而及不難裁錄前志為辨所載籍書附于法以辨必

錄轉對唯唯舞之華歲存幾否乎今昔古長以信實

今亦古歸實桂王山畏食三百兵且不歸出編以前

至今... 成武... 武... 武...

... 武... 武... 武...

... 武... 武... 武...

... 武... 武... 武...



